

Penderfyniad yn dilyn ymgynghoriad cyhoeddus lleol

**Swyddfa Bost Johnstown
Stryd Myrddin, Johnstown, Wrecsam, LL14 1NL**

Rwy'n ysgrifennu atoch i gadarnhau y byddwn, yn dilyn cyfnod o ymgynghoriad cyhoeddus lleol, yn bwrw ymlaen â'n cynllun i symud y gangen Swyddfa'r Post uchod i Premier Express, Siop Gyfleustra Pentref Johnstown, 16 Y Stryd Fawr, Johnstown, Wrecsam, LL14 2SN.

Hoffwn ddiolch i bawb a neilltuodd amser i roi sylwadau a gwybodaeth inni. Bu'r holl adborth a gawsom yn help i ni ddeall barn cwsmeriaid a'u cynrychiolwyr yn well a chafodd y sylwadau eu hystyried, ynghyd â'r holl ffactorau perthnasol eraill, wrth i ni wneud ein penderfyniad. Cafodd crynodeb o'r adborth ei amgáu, ynghyd â thaflen wybodaeth sy'n rhoi manylion pellach am y gangen newydd.

Ar ôl rhoi ystyriaeth ofalus i'r ymatebion a gafwyd, rydym yn ffyddiog o hyd y bydd cynllun a lleoliad y gangen newydd yn dal i ateb gofynion y cwsmeriaid ac yn darparu gwasanaeth rhagorol, yn ogystal â diogelu hyfywedd hirdymor gwasanaethau Swyddfa'r Post yn y gymuned leol.

Bydd y gangen bresennol yn cau am 17:30 ddydd Mawrth 27 Ionawr 2026, gyda'r gangen newydd yn agor, yn Premier Express, am 13:00 ddydd Iau 5 Chwefror 2026. Os bydd unrhyw amgylchiadau annisgwyl sy'n golygu bod y dyddiadau hyn yn newid, bydd posteri'n cael eu harddangos yn y gangen i roi gwybod i gwsmeriaid.

Yn ystod trosglwyddo'r gangen, gall cwsmeriaid sydd angen cyfleusterau Swyddfa'r Post ddefnyddio unrhyw wasanaeth Swyddfa'r Post cyfleus. Darperir manylion dwy gangen Swyddfa'r Post amgen isod er hwylustod i chi:

- Rhosllanerchrugog Post Office, Market Street, Rhosllanerchrugog, Wrexham, LL14 1AG
- Rhostyllen Post Office, 50 Wrexham Road, Rhostyllen, Wrexham, LL14 4DH

Mae'r wybodaeth hon ar gael hefyd ar Hyb Ymgynghori Swyddfa'r Post yn: postofficeviews.co.uk

Mae'r cyfathrebiad hwn yn unol â'n Hegwyddorion Ymgysylltu â'r Gymuned. Mae detholiad sy'n ymwneud ag Ymgynghori ar ddiwedd y llythyr hwn.

Yr eiddoch yn gywir,

Sarah Cottrell

**Sarah Cottrell
Rheolwraig Newidiadau Rhanbarthol
Swyddfa'r Post Cyfyngedig**

comments@postoffice.co.uk

postofficeviews.co.uk

FREEPOST Your Comments

I gael yr wybodaeth hon mewn fformat gwahanol, er enghraifft mewn print bras, sain neu Braille, ffoniwch 03452 66 01 15 neu 03457 22 33 55 (ffôn testun).

Atodiad A

Ymateb i'r Ymgynghoriad Cyhoeddus Lleol

Dechreuodd yr ymgynghoriad ddydd Mawrth 15 Gorffennaf 2025

Daeth yr ymgynghoriad i ben ddydd Mawrth 26 Awst 2025

Ymatebion o'r ymgynghoriad

- 102 ymateb gan gwsmeriaid

Y prif faterion a godwyd

- Lle y tu mewn
- Parcio

Ymateb i'r materion a godwyd

Lle y tu mewn

Y tu mewn, bydd y gangen newydd yn bodloni gofynion Swyddfa'r Post, gan wneud yn siŵr fod digon o le i gynnal gwasanaeth Swyddfa'r Post ochr yn ochr â'r gwasanaeth manwerth. Byddwn yn cydweithio'n agos â'r postfeistr wrth ddylunio tu mewn yr adeilad. Bydd peth celfi a ffitiadau'n cael eu symud neu'n cael eu cymryd oddi yno er mwyn gwneud yn siŵr nad oes unrhyw rwystr wrth fynd i mewn i'r adeilad a bod y fynedfa, y llwybrau siopa a'r man ciwio yn ddirwysr a bod digon o le i gwsmeriaid a chadair olwyn symud o gwmpas heb anhawster.

Parcio

Mae parcio ac argaeledd llefydd parcio yn broblem gyffredinol mewn sawl lleoliad ar draws y DG. Mae'r lle sydd ar gael i barcio y tu hwnt i reolaeth uniongyrchol Swyddfa'r Post Cyfyngedig. Mae arolwg pellach o'r sefyllfa wedi cadarnhau fod modd parcio gerllaw wrth ymyl y ffordd am amser cyfyngedig.

Atodiad B

Crynodeb gwybodaeth am Swyddfa Bost Johnstown

Mae yna adegau o bosibl pan fydd rhaid newid oriau agor cangen. Mae'r wybodaeth ddiweddaraf am ganghennau ar ein gwefan www.postoffice.co.uk/branch-finder

Y lleoliad newydd:											
Premier Express, Siop Gyfleustra Pentref Johnstown, 16 y Stryd Fawr, Johnstown, Wrecsam, LL14 2SN											
Yr oriau agor newydd <table><tr><td>Llun–Gwener</td><td>09:00 – 17:30</td></tr><tr><td>Dydd Sadwrn</td><td>09:00 – 13:00</td></tr><tr><td>Dydd Sul</td><td>Ar Gau</td></tr></table> Cownter y Siop <table><tr><td>Llun – Sadwrn</td><td>08:00 – 19:00</td></tr><tr><td>Dydd Sul</td><td>Ar Gau</td></tr></table>		Llun–Gwener	09:00 – 17:30	Dydd Sadwrn	09:00 – 13:00	Dydd Sul	Ar Gau	Llun – Sadwrn	08:00 – 19:00	Dydd Sul	Ar Gau
Llun–Gwener	09:00 – 17:30										
Dydd Sadwrn	09:00 – 13:00										
Dydd Sul	Ar Gau										
Llun – Sadwrn	08:00 – 19:00										
Dydd Sul	Ar Gau										
Gwasanaethau ar gael											
Bydd yr un dewiso gynhyrchion a gwasanaethau ar gael o hyd. Mae gan y gangen bresennol beiriant arian allanol â brand Swyddfa'r Post a bydd yn symud i'r safle newydd.											
Mannau Gwasanaeth											
Bydd dau fan gwasanaeth, sef un â chynllun agored a man gwasanaeth Swyddfa'r Post wrth gownter y siop.											
Mynediad											
Bydd gan yr adeilad newydd ddrws llydan a llawr gwastad wrth y fynedfa. Y tu mewn, bydd dolen glyw, desg ysgrifennu isel, cownter gwasanaeth isel a lle i gadair olwyn.											
Cyrraedd yno											
Bydd yr adeilad newydd tua 120 metr o'r gangen bresennol, ar hyd tir gwastad yn bennaf. Mae modd parcio am amser cyfyngedig wrth ymyl y ffordd gerllaw. Mae trafnidiaeth gyhoeddus leol ar gael.											
Y siop	Siop gyfleustra.										

Egwyddorion Ymgysylltu â'r Gymuned ynghylch newidiadau i rwydwaith Swyddfa'r Post (detholiad)

Mae fersiwn llawn o'r dogfen hon ar gael ar ein Hyb Ymgynghori - postofficeviews.co.uk

Rydym wedi ymrwymo i ymgysylltu â'n cwsmeriaid a'u cynrychiolwyr ac i'w cefnogi wrth i ni wneud newidiadau i rwydwaith Swyddfa'r Post. Dilynir yr Egwyddorion a ganlyn wrth gyfathrebu am newidiadau i'ch cangen Swyddfa'r Post leol.

Byddwn yn **Ymgynghori** – pan fyddwn yn chwilio am ymateb i argymhellion cyn gwneud penderfyniad ynghylch:

- Cau cangen Swyddfa'r Post yn barhaol⁵
- Adleoli cangen Swyddfa'r Post yn barhaol (gan gynnwys masnachfreinio cangen â Rheolaeth Uniongyrchol i safle newydd).

Byddwn yn cynnal ymgynghoriad cyhoeddus lleol dros gyfnod o chwe wythnos⁶ er mwyn rhoi gwybod i gwsmeriaid, cynrychiolwyr etholedig lleol, Cyrff Eirioli Defnyddwyr, ac elusennau dewisol am yr argymhelliad. Bydd yr wybodaeth hon ar gael hefyd ar-lein ac ar gyfer cangen â Rheolaeth Uniongyrchol cyflwynir datganiad newyddion i'r cyfryngau lleol. Byddwn yn gofyn i gynrychiolwyr etholedig lleol rannu gwybodaeth trwy gyfryngau cymunedol eraill (megis hysbysfyrddau, elusennau lleol, cylchgronau, meddygfeydd, etc.).

Bydd yr ymgynghoriad yn golygu gofyn cwestiynau penodol pan fyddwn yn dymuno cael adborth ynghylch mynediad i wasanaethau Swyddfa'r Post a bydd yn cadarnhau dyddiad y newid os penderfynir bwrw ymlaen. Byddwn yn rhoi gwybodaeth glir am unrhyw newidiadau i wasanaethau yn ogystal â mynediad i'r gangen newydd ac i mewn iddi.

Rydym yn croesawu pob adborth ac mae'r ffactorau isod yn cael eu hystyried wrth i ni wneud ein penderfyniad; disgwylir y gwneir y penderfyniad hwnnw o fewn pedair wythnos i ddiwedd yr ymgynghoriad:

- Mynediad cwsmeriaid i, i mewn i a'r tu mewn i'r gangen /canghennau newydd neu amgen, gydag ystyriaeth benodol i ddefnyddwyr sydd yn agored i niwed
- Unrhyw faterion cymunedol lleol a allai gael eu heffeithio gan yr argymhelliad neu ddylanwadu arno.

Ar ddiwedd y broses ymgynghorol byddwn yn ysgrifennu at gynrychiolwyr etholedig lleol, Cyrff Eirioli Defnyddwyr ac ymatebwyr i'r ymgynghoriad (os yw hynny'n ymarferol) er mwyn cadarnhau ein penderfyniad a rhoi crynodeb o'r materion allweddol a godwyd, ynghyd ag ymateb clir i bob un. Bydd yr wybodaeth hon ar gael ar-lein ac yn y gangen (pan fo hynny'n bosibl).

Cafodd yr Egwyddorion hyn eu cytuno â Chyngor ar Bopeth, Consumer Scotland a Chyngor y Defnyddwyr yng Ngogledd Iwerddon, cyrff gwarchod statudol annibynnol y defnyddwyr.

Beth i'w wneud os ydych yn teimlo na ddilynwyd yr Egwyddorion hyn:

Cysylltwch â ni, os gwelwch yn dda, fel y gallwn ymchwilio i'ch cwyn. Yn ein hateb byddwn yn esbonio a ydym yn credu ein bod wedi dilyn ein Hegwyddorion Ymgysylltu â'r Gymuned a chewch y manylion cyswllt ar gyfer y corff gwarchod defnyddwyr priodol (Cyngor ar Bopeth, Consumer Scotland neu Gyngor y Defnyddwyr yng Ngogledd Iwerddon) os nad ydych yn fodlon â'n hateb. Bydd y corff gwarchod yn gwneud asesiad annibynnol i ganfod a ydym wedi dilyn y broses Egwyddorion Ymgysylltu â'r Gymuned (yn hytrach na'r penderfyniad ei hun) ac yn argymhell unrhyw gamau i'w cymryd ynghylch y cwyn.

postofficeviews.co.uk

Comments@postoffice.co.uk

FREEPOST Your Comments

Ffoniwch: 03452 66 01 15

Ffôn Testun: 03457 22 33 55

⁵ Gall fod nifer fach o achosion pan, oherwydd amgylchiadau y tu hwnt i'n rheolaeth, nad oes gennym unrhyw ddewis ond i gau cangen mewn lleoliad penodol yn barhaol. Mewn achosion o'r fath bydd yr ymgynghoriad yn ceisio adborth ynghylch darparu gwasanaeth Swyddfa'r Post arall yn yr ardal.

⁶ Os yw'r ymgynghoriad yn cynnwys mwy na phedair wythnos ym mis Gorffennaf yn Yr Alban a Gogledd Iwerddon neu fwy na phedair wythnos ym mis Awst yng Nghymru a Lloegr, byddwn yn estyn y cyfnod am un wythnos galendr. Ni fyddwn yn dechrau unrhyw ymgynghoriadau cyhoeddus lleol yn ystod y bythefnos sydd yn cynnwys gwyliau banc y Nadolig a'r Flwyddyn Newydd.